

Tetraklóretýlen	Öll matvæli	0,1 mg/kg
Tin	Barnamatur	50 mg/kg
	Drykkir	50 mg/kg
	Öll önnur matvæli	150 mg/kg
Geislavirk efni	Mjólk og barnamatur:	
	Plútóníum 239 og americium 241	1 Bq/kg
	Joð 131 og strontíum 90	100 Bq/kg
	Cesium 134 og 137	370 Bq/kg
	Öll önnur matvæli:	
	Plútóníum 239 og americium 241	10 Bq/kg
	Strontíum 90	100 Bq/kg
	Joð 131 og cesium 134 og 137	600 Bq/kg

28. apríl 2004

Nr. 412

SKIPULAGSSKRÁ

fyrir CAPE á Íslandi.

1. gr.

Stofnaðild o.fl.

CAPE á Íslandi (Iceland Center of Adaptive Policy in Ecosystems), styrktarsjóður til eflingar umhverfisrannsóknum og umhverfisvernd, í skipulagsskrá þessari nefndur sjóðurinn, er stofnaður af Ragnhildi Sigurðardóttur, kt. 260466-4299, Krókabyggð 10, 270 Mosfellsbæ, Sigurði Torfa Sigurðssyni, kt. 100169-3559, s.st., Kristiina Ann Vogt, social security nr. 574-22-7032, 639 Loveland Ave, Mukilteo, WA 98275, Bandaríkjunum, og Daniel J. Vogt, social security nr. 585-09-6941, s.st. Sjóðurinn starfar samkvæmt staðfestri skipulagsskrá. Sjóðurinn er sjálfseignarstofnun, en mun ekki hafa með höndum atvinnurekstur.

2. gr.

Markmið.

Markmið með stofnun sjóðsins er að starfa í þágu almennings með því að hlúa að rannsóknum er lúta að umhverfi og skynsamri nýtingu náttúruauðlinda. Sjóðnum er ætlað að veita styrki til innlendra og erlendra rannsókna eða verkefna sem lúta að því að í framtíð verði vísindalega staðið að ákvörðunum um umhverfisvernd og sjálfbæra nýtingu náttúruauðlinda. Þá er sjóðnum ætlað að veita styrki til innlendar og erlendar fræðslustarfsemi sem hefur þann tilgang að efla vitund almennings um umhverfisvernd og um skynsama nýtingu náttúruauðlinda.

Markmiðum með stofnun sjóðsins skal náð með beinum fjárframlögum og styrkjum eins og nánar greinir í skipulagsskrá þessari.

3. gr.

Stjórn sjóðsins.

Stjórn sjóðsins skal skipuð eftirtöldum þremur aðilum: Ragnhildi Sigurðardóttur, Kristiina Ann Vogt og Sigurði Torfa Sigurðssyni.

Láti stjórnarmaður af störfum skal varamaður hans taka sæti í stjórn. Skal hann þá tilnefna nýjan varamann í sinn stað.

Stjórnarmenn tilnefna hver um sig sinn varamann. Einn stjórnarmaður skal vera viðurkenndur vísindamaður á sviði umhverfisvísinda og skal hann við stofnun sjóðsins vera formaður sjóðsins en stjórnin skiptir að öðru leyti með sér verkum. Stjórnin skal skipuð formanni, gjaldkera og ritara. Stjórninni er heimilt að skipta um formann sjóðstjórnar hvenær sem er.

Formaður kemur fram fyrir hönd sjóðsins og er forsvarsmaður hans á opinberum vettvangi. Gjaldkeri ber ábyrgð á færslu reikninga og skýrslugerð til Ríkisendurskoðunar skv. 1. mgr. 3. gr. laga nr. 19/1988. Ritari annast færslu fundargerða og varðveislu þeirra gagna og skjala er sjóðnum berast.

Stjórnin tekur ákvarðanir á fundum sínum og skal haldin gerðabók um alla fundi þar sem bókað er skilmerkilega um þær ákvarðanir sem teknar eru.

Stjórnin skal velja endurskoðendur sjóðsins. Reikningsár sjóðsins skal miðast við almanaksár.

4. gr.

Fagráð.

Stjórn sjóðsins velur 3 manna fagráð sem skal vera stjórninni til ráðuneytis um úthlutanir úr sjóðnum. Fagráð skal skipað einstaklingum sem hafa sérþekkingu og/eða reynslu á mállefnum er tengjast umhverfisrannsóknnum eða umhverfisvernd, þeim mállefnum sem sjóðnum er ætlað að styrkja.

Stjórn sjóðsins setur fagráði starfsreglur.

5. gr.

Stofnframlag.

Stofnframlag sjóðsins eru kr. 700.000, sjöhundruðþúsundkrónur.

6. gr.

Frekari fjárframlög.

Sjóðurinn skal taka á móti öllum frekari fjárframlögum, hvort sem er frá stofnaðilum eða öðrum er veita vilja markmiðum hans brautargengi.

7. gr.

Ráðstöfun fjár.

Framlög úr sjóðnum skulu veitt samkvæmt umsóknnum. Auk þess er stjórn sjóðsins heimilt að ráðstafa að eigin frumkvæði til málefna er vakið hafa athygli hennar og teljast vera í þágu þess tilgangs sem kveðið er á um í 2. gr. þessarar stofnskrár.

Stjórn sjóðsins skal afla umsagnar fagráðs skv. 4. gr. áður en til afgreiðslu framlaga skv. 1. gr. kemur.

Stjórn sjóðsins er heimilt að skilyrða veitingu fjár úr sjóðnum fyrirfram og ákveða hámarks- og lágmarksfjárhæð einstakra styrkja.

8. gr.

Ávöxtun fjár.

Fjármuni sjóðsins skal ávaxta með tryggum hætti. Stjórninni er heimilt að fela löggiltu verðbréfafyrirtæki eða bankastofnunum að ávaxta fjármuni sjóðsins.

9. gr.

Breytingar og niðurlagning.

Skipulagsskrá þessari verður aðeins breytt með samþykki stjórnar, meirihluta stofnenda og með staðfestingu dómsmálaráðuneytisins.

Séu stofnaðilar sammála um að leggja sjóðinn niður skulu þeir leita staðfestingar dómsmálaráðherra á því.

10. gr.

Skráning sjóðsins.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 28. apríl 2004.

F. h. r.

Drífa Pálsdóttir.

Bryndís Helgadóttir.

11. maí 2004

Nr. 413

AUGLÝSING

um deiliskipulagsbreytingar á Akranesi.

Breyting á deiliskipulagi í klasa 1 og 2 í Flatahverfi.

Á fundi bæjarstjórnar Akraness sem haldinn var þann 20. apríl 2004, var samþykkt breyting á deiliskipulagi í klasa 1 og 2 í Flatahverfi á Akranesi.

Breytingin varðar Brúarflöt 4 og felst í að fækka stigahúsum úr tveimur í eitt og fjölga íbúðum úr sex í sjö.

Breyting á deiliskipulagi í klasa 9 vegna Smáraflatar 11-15.

Á fundi bæjarstjórnar Akraness sem haldinn var þann 23. mars 2004, var samþykkt breyting á deiliskipulagi í klasa 9 vegna Smáraflatar 11-15.

Breytingin felst í að stækka byggingareiti við enda lóða númer 11 og 15 til að rúma sólstofur og færast því byggingarreitir um 3 metra að lóðamörkum. Fjarlægð frá miðju göngustígs við lóð númer 11 að byggingarreit verður 3,7 m.

Framangreindar deiliskipulagsbreytingar voru auglýstar skv. 25. gr. skipulags- og byggingarlaga nr. 73/1997 og hafa hlotið þá meðferð sem skipulags- og byggingarlög mæla fyrir um.

Deiliskipulagsbreytingarnar taka þegar gildi.

Akranesi, 11. maí 2004.

Sviðsstjóri tækni- og umhverfissviðs Akraneskaupstaðar,

Þorvaldur Vestmann.